

CHINESE JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 28 4 38 82

ChL 3155/242.83



平利縣志序

志乘之作昉自周官內以脩臣工考鑑之資外以供
太史輔軒之採由來舊矣我

朝

聖聖相承重熙累洽雍正七年

詔天下各修省志用昭車書一統之盛誠鉅典也然而山

川人物之殊情草木蟲魚之異質亦有囿於方隅各
產其秀歷經歲序遞呈其奇或此是而彼非或昔無

平利縣志序
而今有是以各邑皆自為志蓋其潤色鴻猷而為一
代掌故者所關豈緊微哉平利本金提轄城上
漢控連楚蜀廣袤六百餘里而白土一關尤為關中
屏翰其山則錦屏女媧石梁大頂了角花池諸峯瀕
水則黃洋太平龍泉石牛嵐牙灌月諸溪壑而
國家定鼎以來漸仁摩義民安耕鑿士沐詩書此中豈
無名賢碩士善俗懿行可以信今而傳後者表山川
之靈異增邦國之光華無如典冊無聞考稽莫據以

國

致其人其事多淹沒而不彰吁良可慨已
邑甫二載輒毅然以為己任訪得前令所為創種木
益肆力蒐羅重加攷証而增輯之旋自捐資付剞劂
以余方承

命陳臬

臬三秦則明刑弼教詢俗觀風亦與有責焉書成請
序於余披閱之下竊歎士人服古入官一旦身膺
社則凡貢賦之繁簡食貨之良楛習尚之淳漓利
沿革之臧否胥惟志是賴苟若文獻無徵於政奚

然則是書也。不特可以見黃君之留心經濟，迥非俗吏之所為。亦可俾後來蒞斯土者，按其田賦戶役，庶產民風，不啻列眉指掌，無事他求。且前此之幽潛，揚不能多得嗣，是人心觀感，懦立頑，興則教孝，勸忠，蒸蒸日臻於上，理斯黃君之功，殆未可量。至若弔古興懷，登高作賦，或摘芳而披藻，悉劍玉而鳴珠，猶其餘事耳。喜而為之序。

乾隆貳拾壹年歲次丙子仲秋陝西西安等處提刑

按察使司按察使加二級紀錄二十一次塔水寧撰

平利縣志序

甲戌冬世垣奉

簡命來守金州會平利尹甫陵黃君纂修邑乘

甫脫藁謂余有此土之寄也手一編問序

余惟

國家重熙累洽一道同風平利古吉陽地雖

平利縣志 卷一
僻在山隅而幅頓遼濶廣袤且六百餘里


咏沐

膏澤民氣蒸蒸日上向使文獻無徵採擇罔
據奚以彰往昭來裨益政教歟今黃君所
輯簡而明典而核要約而不泛舉凡六百
里中版圖之登耗田賦之贏縮民情土俗

工拙當非所計乃搜羅也最博考核也最
精徵引也最詳編訂也最細圖繪也最明
其出詞吐氣行文也又最古於志已早自
信美作邑之期未既熟料可區畫如意全
境之曲折畢卷自爾經緯從心匪但名賢
貴冑當事艷之思以度越前人發潛德顯

幽光俾一邑之內士知所奮民知所感風
化將得因之以漸幾乎上理余愛之重之
不欲以志取傳信彙卷帖牙慧剪紅刻翠
而曾無解於衍文也政成三異績紀千波
後之信今亦如今之信昔昔無傳而賴有
傳今可傳而益並傳矣序而弁焉竊願為
拭目以待

乾隆貳拾年歲次乙亥孟夏親且陝西分
巡漢興道加三級紀錄十次昆明魏崢撰



其留平利縣志序

邑之有志固云傳信而信不易言覽山川
 之勝別物土之宜文教興替習尚醇薄
 治夫得悉於是乎在先自能信而後志有
 可傳相時度地因俗制宜呈材利用邑宰
 將援是以資治而省方觀民與有其責者

不及時巡得一披閱而風景瞭然志之所
闕大矣哉平邑分建自古名雖屢更如集
所撰亦不失為形勝之區何居乎志之獨
未有傳也因循至今黃君於政事之餘能
毅然舉前令之所有志未逮者手編成帖
其留心於吏治民生殆甚深且遠矣叙次

之奢儉淳漓與夫人官物由詩書誦絃之

良楛興替靡不一展卷而瞭如指掌然則

茲志之修寧欲鋪張名勝粉飾觀瞻也哉

固將考其登耗者察其贏縮者權其奢儉

淳漓審其良楛興替者因而興革激揚勸

懲移易於其間以之彰往以之昭來以之

布令而成教化斯誠黃君之心也夫抑亦
余之心也夫是為序

賜進士第奉直大夫知興安直隸州事德水

李世垣撰



平利縣志總目

分野 有圖

疆域 程途附

建置

形勝 有圖

城池

山川

古蹟

平利縣志

目錄

關梁

津渡附

公署

學校

祠廟

田賦

倉儲

戶口

堤堰

兵防

職官

選舉

將材

仕籍

名宦

人物

孝義

列女

風俗

土產

災祥

藝文

修平利縣志序

縣有志傳信也自諸大縣志外以地偏而泛以世遠而誣以邑小而畧皆非傳信也夫民人社稷各縣所同覘天文察地勢辨物產攷人情表風會勿以僻壤殊也平利於秦省僻在山隅寬初蒞茲土首詢縣志闕如也多方檢覓得前兩邑令稿本皆未有成書也竊思邑於明末疊經兵火典故蕩然至我

朝康熙十八年鑄印授官以來沐浴

聖澤久益深厚民得優游化日戶口漸增乃志乘勿講曷以顯

皇仁也昭

憲德也編纂之役詎敢憚勞雖曰管窺曰蠡測恐置緩圖將并此管蠡無之也訂為二十八則亟授梓人務覈其真務核其切務脩其綱弗敢泛也弗敢誣也弗敢畧也

乾隆十年孟春朔穀旦

知平利縣事黃寬謹序



凡例

平邑向無刻本志書茲訪取前邑令王名震古名
澧草創稿本重加校輯不敢誇多期於徵信踵事
增補統俟將來

一歷朝典故因兵燹後蕩無孑遺一切名宦鄉賢節
孝俱歸泯沒人物中僅傳明末羅公世濟一人貞
岡之火良玉皆燼紀載及此徒深慨歎

一節烈成例必經具題者方載入志但深山窮谷

之家自行其志幾忘聞揚大典而有風化之責者
 所宜亟為表彰茲特訪其衆論允協并經前令給
 匾者附載入志俾邑人共仰潛德幽香卓堪不祔
 一邑中前代藝文悉已失攷僅錄出碑文二首與安
 州志跋一首以同吉光片羽

黃寬謹識

分野

井宿兼翼軫分野




知縣黃寬謹按天文志前漢地理志並稱井鬼
 屬秦而州志王州守論曰天文家云井宿右四
 星屬川西左四星屬全秦諸郡縣與安僻處一
 隅不過與裔洛數百里僅屬井宿在第一星但
 攷州志云州在秦之南分野應入井鬼之次兼
 翼軫之分野以其在秦楚之交也等語况平利

又在州之東南前邑令王霍云平利東與湖廣
 鄖陽府之竹谿縣連界鄖郡分野乃翼軫也南
 與四川夔州府之大寧縣連界夔郡分野乃翼
 軫也宜從翼軫為是合綜諸說邑似與與鬼無
 涉應從井宿兼翼軫之分野以俟攷証焉


合運

平利縣志卷一



卷一

翼宿



彭水

疆域 程途附

五百三十里由西安山至...

按縣境在州南少東九十里東西廣二百一十里南北袤一百一十里東一百五十里至白土關埡抵湖廣竹谿縣界南五百七十里至鷄心嶺抵四川大寧縣界西五十里至狗脊關抵興安州界北四十里至高皇山界牌石抵興安州界東南二百五十里至固城洞南江河抵湖廣竹谿縣界東北一百六十里至大頂山係湖廣竹谿縣本州洵陽縣三屬交界西北

平利縣志 卷一
三十里至子房河抵興安州界西南二百六十里至
花池嶺抵四川太平縣界東北一百六十里
西至興安州九十里北至省城由興安州洵陽縣鎮
安縣山陽縣藍田縣驛路至西安府八百九十里由
興安鎮安出大泥峪抵西安府七百四十里西至漢
中府驛路抵府七百七十里北至
京由水路自興安州至湖廣襄陽府樊城轉由河南
陸路水陸共四千五百三十里由西安山西陸路共
四千三百里

知縣黃寬謹按邑在陝省東南隅東接湖北南
隣四川與楚蜀兩省界連

國朝於城東南九十里白土關設營邑實為關中
屏翰云

秦為西城縣地秦惠王始置西城縣屬漢中郡州志

漢為西城縣地屬漢中郡通志

後漢為西城縣地屬西城郡水經注

後漢西城縣地在今平利縣南平利川置上廉縣

取上廉水為名寰宇記

晉為上廉縣屬上庸郡晉書地理志

魏為吉陽縣宋新興太守領吉陽令本益州流民州

郡志

上廉縣後移還上庸於平利川置吉陽周志

西魏為吉安縣屬金州梁初曰上廉後曰吉陽西魏

改吉安屬金州魏地理志

平利縣在州東七十里晉於縣南平利川置上廉

後魏改吉安寰宇記

後周為吉安縣後魏吉安縣後周天和四年省西城

縣仍移吉安於西城縣廡理為金州治故城遂廢

寰宇記

唐為平利縣武德元年以故吉安置屬金州漢陰郡
大歷六年省入西城長慶初復置仍屬漢陰郡唐書

地理志

武德元年於上廉城置平利縣八年又移於古聲

口南聲水之東黃洋河之北即縣治也寰宇記

平利舊基在縣東一百三十里女媧山之東馬志

五代平利縣屬金州周顯德一年伐蜀蜀將孟貽業

遣軍平利為褒漢之援五代史

宋為平利縣熙寧六年省為鎮入西城元祐復屬金

州安康郡宋史地理志

宋以平利為鎮尋復置縣隸雲安郡後仍屬金州

興安州志

元改平利為巡檢司州志

平利元省入金州續通考

明為平利縣在州東南九十里明一統志

縣舊治在女媧山東洪武五年縣丞馮宛移建於

山西十五里

漢中府志

元改為巡檢司隸興元路洪武五年仍為平利縣屬漢中府又洪武五年改遷平利縣先是舊治在白土關東既而遷於白土關瀾河之北石牛河口至是治改遷於女媧山西灌河口

興安州志嘉靖二十九年復隸金州萬曆十一年金州改興安州邑隸

興安州

興安州志

朝隸興安州

知縣黃寬謹按邑境歷代隸屬不同而平利之名實始於唐迄今仍之屬在山陝而建置良古至保甲清釐營汛聯絡則

本朝實最為周脩云

形勝
 北枕龍山南對錦屏東縈瀘水西帶月溪漢江上漸
 控接楚蜀

形勝

北枕龍山南對錦屏東縈瀘水西帶月溪漢江上漸
 控接楚蜀

北至興安州界四里



西至興安州界五十里

壩河





縣境總圖

東至竹谿縣界一百五里

南至大寧縣界五百七十里

縣城之圖



城池

縣城明洪武五年建舊治在石牛河被水冲塌始遷
今治成化三十一年修築週六里東西南三門東西
阻水南北倚山隆慶元年以傾圮難葺改築約三分
之一北倚龍山西南繞月溪灌溪悉甃以石週三百
六十五丈共四里有奇門四尋以北門不利閉塞之
今圮雍正六年五月水冲西南二處壞六十餘丈
知縣黃寬謹按城倚龍山二溪環繞雖云邑治

實是深山幾縷爨烟恰與雲霞毗接百家衙宇
時聞樵牧謳吟固乏雉堞崇隆亦鮮塵囂雜沓

六十云

*此山在縣北城緣山頂縣治倚山麓
今台城外三十一里
草樹春時花開爛然故名*

山川

龍山 在縣北城緣山頂縣治倚山麓

錦屏山 在縣治南半里縣署坐對岡巒環抱週遮

草樹春時花開爛然故名

觀山 在縣西一里山勢起伏屹然中嶂為縣治水

口中有玄天觀故址以是得名

女媧山 一名中皇山在縣東三十里灌溪源出於

此晉永和中桓温伐關中命司馬運動出子午道

為符雄所敗退屯於女媧堡新唐志平利縣有女媧山九域志西城縣有女媧山時平利省入西城也輿地紀勝在平利縣東有祠曰女媧聖后州志岡巒起伏蜿蜒四十餘里

了角山 在縣東北一百里與洵陽接界二峯並峙形如了角故名

松子山 在縣東六十里聳拔高峻其上有池名天心水

馬盤山 在縣東九十里白土營南

筆架山 在縣東一百五十里以形似名

藥婦山 在縣東南八十五里山最高峭常有雲氣周地圖記云昔有夫婦入山其夫落崖妻攜藥之尋俱化為石以此得名山頂藥臼尚存

秋山 在縣東南一百九十里通四川路山頂下四十里竹木茂密四時凝雪不消中有一碗泉區飲隨溢

化龍山 在縣南二百里九臺十三灣上多奇
佳木又有苦竹竹米可充食歉歲居民藉之

花池山 在縣南三百里州志由化龍山脊一百二
十里通花池山由花池山脊一百七十里通四川

大寧縣

馬鞍山 在縣西二十五里

鳳山 在縣西三十里岩巒層疊上多古樹老藤四

時蒼翠湍目

嶠家山 在縣西四十里

高皇山 在縣北三十里孤峯獨聳以上有高皇廟
而名

石梁山 在縣西南一百二十里連峯絕壑山勢峻
險盤曲數十里

大頂山 離城一百六十里山有三峯東峯屬楚省
竹谿縣界內中峯西峯以頂之南北與洵陽分界
頂南屬平利頂北屬洵陽頂最高寒人不能久駐

在洵陽者稱連火山有明成化時故碑可攷今山下有連仙河疑即連火之誤也

光頭山 在縣北三十里與高皇山相連

馬鬃嶺 在縣東六十里以形似馬鬃而名下有洞

曰羅圈洞

狗脊嶺 在縣西四十里亦以形似名與州接界

獨松嶺 在縣東一百六十里

八里岡 在縣東九十里岡東西凡八里故名

花栗岡其地山環若城水繞如帶明嘉靖初縣被水災議徙城於此居民重遷事遂寢即今白土營

鎮坪 在縣南五百里

散子坪 在縣西南四百里中有平地一區東臨韓

崖西接四川舊為汛弁防禦之所

嵐河 在縣西南一百五十里源出四川太平縣界

北流至州界入於漢江

牙河 在縣西南二百五十里北流入於嵐河舊志

牙河東通金毛關南通鎮坪司明隆慶間招撫巨寇汪拱雲設巡捕主簿於此萬歷中革

黃洋河 在縣西十五里源出化龍山風線口西北流由州境入漢水州志源出清水關

灌溪河 在縣南二十步源出女媧山西北流環曲數百折至州地入於黃洋河

月溪河 在縣城北十五步源出高皇山南折西遠縣城而會於灌溪河水勢迴環如月故名或曰即

寰宇記所謂聲水也

界溪河 一名壩河在縣東南一百一十里自湖廣

竹谿縣北流經洵陽界入閭河

石牛河 在縣東南一百三十里亦從竹谿縣流出

太平河 在縣東南一百三十里源出秋山會秋

秋河 在縣東南一百九十里源出夔州府大寧縣

界俱北流入界溪河

連仙河 在縣東一百二十里會石牛河南流入界

溪河

松杉河 在縣東一百六十里源發武陵關下流入

漢江

南江河 在縣東南六百里接大寧縣界上源曰小

源溪由母猪峡東北流經湖廣竹山縣入漢江其

地舊有袁溪關置巡司屬大寧縣

天池 在縣文廟後池水清澈大旱不涸

清平泉 在縣治東百步其水至清居民飲之不生

癭瘡

龍潭 在縣東六十里

龍泉 在白土營西水從石崖中出清激味美大旱

不涸又一在白土營東南隅水從地穴出名東龍

泉

知縣黃寬謹按平原曠野之區望山如慕勝流

今邑在萬山中巍峩秀石所在多有入海易視

之由於數見故也然人傑地靈兩相輝映邑人

果有崛起巖谷者則山川亦覺改觀至耕而犁
雲牛驅嶺畔取材採藥人在峯頭疊嶂重巒皆
小民生計所係是又與侈陳泉石之勝者迥異
云

古蹟

女媧舊治 路史女媧始治於中皇之山繼興於驪
中皇山即今女媧山上多古木蒼森有三臺鼎峙
今建女媧廟

八陣圖 相傳武侯經此至今土人誤入即迷在秋
河為秦楚蜀之交

藥婦山藥臼 詳八景內

石牛 舊傳石牛河有石牛日久為巢食人苗稼又

平利縣志 卷一
復見於州地牛蹄嶺今石牛已斷其首

附平利八景

錦屏春霽 錦屏山高數百仞環峙城之東南西三面出城不數十武即是山麓城中人起居飲食無不與山接者每至三春時草色如茵花容若繡嫩綠嫣紅輝映几席昔人所云城市山林之勝莫踰於此

鳳山疊翠 自州城四十五里入縣境過鳳山鋪而

下一路古樹參天人行濃青鮮綠中老幹古藤與清泉秀石互相映發如是者凡十餘里令人有武陵桃源之想

中皇晴雪 中皇山即女媧山上有女媧廟在焉山為邑中羣山之冠高數十里躋其巔則四望遠近諸山悉俯出其下紛若拱衛山惟高峻以故得雪獨早每至冬初他處得雨遙矚是山已如玉峯瑤島然洵大觀也

灌溪百折 灌溪源出女媧山繞城南再西北流而
入於黃洋河計溪流五十餘里凡數步一曲鮮尋
丈直瀉者由縣至馬鞍鋪而下尤環曲可愛為瀉
雪為跳珠殆處處兼有此勝

秋山竹徑 自冲河至秋山數十里人行萬竹中凡
徑有曲折起伏而竹悉隨之形影俱清肌髮為綠
處處皆可作渭川淇澳觀秋深時於一色綠雲中
多間樹杪紅葉尤覺明潤有致

北岡古桂 城北山岡之麓有古桂十餘株參差
布大者可蔭半畝許花開時香聞數里多係前朝
所樹允推嘉植

觀山翼眺 城西北偏有山翼然高踞邑治之勝原
隰田疇悉指諸掌邑人以為踏青登高觴咏之所
頂舊有玄天觀以故得名每將雨則其上起雲頂
又有池亦冬夏不竭

藥婦雲封 藥婦山在縣東南八十五里相傳昔有

人落崖其婦携藥救之尋化為石山頂猶存藥臼
焉其山最高恒在雲霧中惟塵外之人始一登陟
知縣黃寬謹按古蹟名勝匪以侈遊觀資談論
也望古興懷則往事發人曠想登高覽勝則即
景寫我性靈斷碣殘碑皆關妙旨茂林修竹亦
助文心是所貴於邑士之善自領畧云

關梁

白土關 在縣東南宋建炎四年賊秦仲紀金州白
土關知州王彥魯敗之府志關在縣東南一百五
十里與湖廣竹谿縣接界即今關壩營況於康熙
年間遷八里岡即今白土營
武陵關 在縣東南二百七十里

源溪關 在縣東南五百里接四川大寧縣
金毛關 在縣南二百里

文彩關 在縣南四百五十里峭壁百仞梯徑險絕
又南五十里有小關子關地連鎮坪為秦楚蜀三
徑之交

狗脊關 在縣西北五十里狗脊嶺與興安州分界
處

連線寨 在縣東一百五十里三面壁立盤曲十五
里方至其巔

藥婦寨 在縣東南八十里藥婦山

紅軍寨 在縣東南六百里

九龍寨 在縣南六百里俗傳為古蠻王砦舊址尚
存砦後三里有九龍洞因名

連營寨 在白土營後因與營連故名

雙峯寨 在白土營對面馬盤山

香子寨 在縣西南七十里

天救砦 在縣東南一百五十里地極險峻

金雞砦 在縣東南二百里自金毛關平地突起

金山高百丈周環有水明正德間勦流寇常屯兵於
天此

長沙舖 在縣東七十里

三泉舖 在縣東五十里

在城舖 在縣東大街

新舖 在縣西十五里

馬鞍舖 在縣西二十五里

狗脊舖 在縣西四十五里接狗脊關

知縣黃寬謹按設險守國定制攸垂邑在三省
之交東南毗接楚蜀禁詰宵小端在關津其防
範稽查尤宜加意云

衙署

縣治

在城西街

門樓一座知縣孔雲建

儀門

三間

大堂三間

儀門外土地祠一所監倉六

間知縣王靈捐建

堂左書吏房二間班房一間

堂右書吏房二間班房一間

二堂二間

堂左側房舍二十間

典史署 在縣署左側

大門一間

大堂三間

左右班房五間

二堂三間

住房八間 因舊

署毀於火乾隆八年典文姚萬年重建
訓導署 在學宮左側 大門一座 明倫堂三間
後正房三間乾隆十六年重建 兩廂房六間
遊擊署一所 在白土營 一門 二堂 三間 二
守備署一所 在白土營 二堂 三間 遊擊署一門
左哨把總署一所 在縣南大街 土城內 一門 遊擊署
右哨把總署一所 在白土營 一門 遊擊署一門
申明亭 在縣城西乾隆十八年知縣黃道建

卷海院 在縣北

演武場 在白土營南門外廣二百餘步袤六百餘步
步有演武廳一所營汛官兵演武於此 又縣城
南門外射圃一區廣三十步袤百餘步有演武廳
一間駐防把總演武於此城西三里地名教場壩
沿灌溪而西廣百餘步袤三百餘步為明時演武
舊址今經制營汛在白土關用是縣城演武改移
今所而教場壩舊址又為民田 又白土營西

馬盤山間週匝十里許土瘠不甚宜播種今設營
汎牧馬場

知縣官寬謹按邑雖偏隅聽政規模與劇地等
至白土關營又設遊守專駐則凡臨蒞茲土者
其思所以無愧於恤民練兵之任也歟

學校

縣學初在縣治東明洪武五年建後隆慶中移建
治西今仍舊

原額歲考取進文童八名武童八名科考取進文童
八名廩生二十名二年一貢雍正六年學政楊
題請將寄籍文武生員改歸原籍廩生缺額雍正
八年例應考貢因廩額不足未准遲至四年一貢
至乾隆十年補足廩數仍二年一貢

知縣黃寬謹按寄籍之弊邑中士子最為受累
有別府州縣富童寄籍進考遂致入泮者多屬
寄籍因而廩貢選教皆成捷徑土著童生因見
累試不售則士氣愈覺頹阻至輟業別圖本邑
讀書種子幾何不至斷絕近年以來痛除此習
學校已覺肅清士風可望日振後之宰斯土者
永期共懲此弊以為培植文運之本

祠廟 寺觀

文廟 在城內西北隅大成殿三間兩廡共六間崇
聖祠三間與櫺星門俱雍正十二年知縣汪疇募
紳士捐修

關帝廟 在城東門外前大門戲樓三間正殿三間
後殿三間雍正九年建又一廟在白土營一廟在
關垵

城隍廟 在城西街大門戲樓三間正殿三間前廊

共六間後殿三間耳房共六間又一廟在白土營

忠孝祠 在學宮門前左偏

節義祠 在學宮門前右偏

女媧廟 在縣東四十里女媧山頂九域志女媧山

上有女媧廟即此乾隆元年知縣古澧詳

憲重修建廟東直列三臺因又名三臺寺

女媧補天之說人多知其不經寬按天有五行木

水土皆不假人功即火亦屬易得惟五金產於石

中不煉則不成所謂煉石補天者上古渾靈之地

五行中金尚未顯至女媧氏始知煉石得五金以

補天行之缺觀所云煉五色石即可推測其徑曰

補天者乃紀載之有訛闕耳謹附識於此以俟折

衷

泰山廟 在縣南一百二十里豐口壩又一廟在新

舖灣一廟在長安上壩

龍王廟 在縣東門外

高皇廟 在縣北三十里高皇山頂

土地祠 在縣署東偏

先農壇 在縣東半里藉田四畝九分壇高二尺一

寸寬二丈五尺壇後建正房三間配房東西各二

間大門一座圍墻六十八丈圍墻因年久悉坍塌

隆十九年重築

社稷壇 在縣城外東南隅八蜡壇附

風雷雨山川壇 在縣城西半里

鬼神壇 在縣城外西北隅

馬神廟 在縣東九十里白土營

興隆寺 在縣西南三十里大青坪

夾峪寺 在大青坪明成化年間建

年里民重建

普濟寺 在縣東八十里中下場中有古柏喬柯可

資眺賞

西寺 在白土營西北隅

平利縣志 卷二
玄天觀 在城西郊山頂成化初知縣李壽建今僅

存基址

真武觀 在白土營東北隅

迎真觀 在縣南九十里獅子壩

香河觀 在縣東南一百七十里香河

金雲觀 在縣東南一百八十里秋河

白衣庵 在縣北十里北河

化龍庵 在縣東一百五十里石牛河

魁星閣 在城西半里

祖師殿 在白土營東北隅

仙姑殿 在白土營西北隅

千佛洞 在長安上壩

觀音堂 在大貴坪

知縣黃寬謹按廟壇祠宇載在祀典者尚已至

邑境寺觀內燃香燈司啓閉者每處不過僧道

一二人多以耕種自給數椽廟舍編竹成扉一

平禾縣志 卷二
徑禪棲倚山為圃粗衣淡飯而外未窺金梵三千焚香掃地之餘半托黃梁一夢以故邑中僧道絕少著名者然視他地之盈千累百坐耗民食則大有徑庭矣

田賦 經費附

原額上中下九等共地一百七頃七十六畝四分四厘二毫八絲三忽六纖六塵每畝科糧不等共額徵折色糧五百三十六石六斗七升七合二勺六抄每石折徵銀二兩三錢五分二厘八毫六絲九忽五微共額徵銀一千二百六十二兩七錢三分一厘五毫六絲七忽五微八纖內於順治七年並十五年及康熙八年三十三年蒙

督節次具

題奉

旨豁免過無主荒坵共地八十九頃二十一畝一分七厘二毫一絲三忽六纖六塵應免糧四百六十八石七斗五升一合二勺一抄四撮八圭應免銀一千一百二兩九錢六厘二毫八絲七忽七微一纖一塵三渺五漠內於康熙二十三年起至雍正十一年各年開墾共地二頃九十畝五分實徵糧一十

石四斗五升八合該徵銀二十四兩六錢二厘二毫二絲九忽七微七纖七塵九渺

止實熟地二十一頃四十五畝七分七厘七絲應徵糧七十八石三斗八升四合四抄五撮二圭應徵銀一百八十四兩四錢二分七厘五毫九忽六微四纖六塵五渺五漠

額外本色祿米一百一十一石八斗八合六勺九抄九撮八圭七粟九粒三顆內除

荒米九十五石四斗一升五勺六抄六撮四圭七粟
六粒五顆米一百一十一石八斗八合六勺六抄

止實徵并節年新墾共米一十六石三斗九升八合
一勺三抄三撮四圭二粒八顆

原額人丁三門九則不等共折下下丁五千五十七
丁每丁徵銀二錢五分四厘七毫六絲八忽九微
共銀一千二百八十八兩三錢六分九厘三毫內
除

優免丁二十五丁共銀六兩三錢六分九厘三毫
行差丁五千三十二丁共銀一千二百八十二
兩內奉

旨豁免過逃七戶人丁四千八百八十丁該除銀一
千二百四十四兩一分八厘八絲共忽一微

止實在并節年審出丁一百三十二丁該徵銀三十
八兩三分三厘一毫二絲九忽一纖五塵五渺五
漠

原額均徭銀一千四百六十二兩九錢八分一厘八毫五絲三忽三微五纖內除

荒銀一千二百四十九兩三錢七厘二毫一絲二忽二微八塵五渺

止實徵銀二百一十三兩六錢七分四厘六毫四絲一忽七纖一塵五渺

又於雍正五年請做以糧載丁之例等事案內奉

旨通省以糧載丁增銀二十八兩五錢四分二毫六絲

四忽九微八纖六塵六渺

又自乾隆三六八等年起科老荒下地六畝每畝起科折色糧三升六合共糧二斗一升六合每畝折色銀八分四厘七毫三忽三微一塵九渺共銀五錢八厘二毫一絲九忽八微一纖一塵四渺每畝均徭銀九分八厘一毫三絲五忽九微四纖六塵共銀五錢八分八厘八毫一絲五忽六微七纖六塵

額外課程銀四兩

以上共實徵地丁錢糧並課程共銀四百六十九兩
七錢七分二厘五毫八絲二微七塵五渺五漠
額徵一錢五分耗羨銀七十兩四錢五分八厘三毫

分絲七忽四塵五

地丁錢糧遇閏加增銀一十七兩三錢八分一厘五
毫八絲七忽二微八纖三塵一漠二沙二洙

額外課程遇閏加增銀三錢三分三厘三毫三絲

忽三微三纖

共實徵本色祿米一十六石一斗九升八合一勺
抄三撮四圭二粒八顆

又鹽引一項向俱赴州市買同德商人張景瑞李宏
之始來縣設店運河東鹽到縣發賣每年額銷引
張拾道載在全書

經費

批解項下

一解起運銀四十四兩一分六厘一毫零遇閏加銀六錢七分七厘一毫零

一解憲書銀九分七厘四毫零

一解接遞損輪募夫銀六十一兩三錢九厘一毫零

遇閏加銀三兩一錢五分六毫零

一解鄉飲酒銀二錢九分二厘六毫零

一解各役新增銀二錢一分九厘八毫零

一解站支銀三錢六分六厘四毫零

一解藥味並脚價共銀二兩五錢七分七厘八毫零

祀典項下

春秋丁祭及各壇祭祀共銀七十三兩三錢四分一厘二毫零

武廟春秋二祭共銀一十六兩七錢六分

武廟五月十三祭銀五兩一錢二分十二厘四毫零

雲壇祭祀新增銀四兩

俸工項下

三列系志 卷二 經費 七

知縣一員俸薪銀扣荒外計銀二十四兩二錢五分

七厘一毫零養廉銀六百兩公費銀一百六十兩

門子二名每名工食六兩該銀一十二兩遇閏共

加銀八分九厘零

馬快八名每名工食一十六兩八錢該銀一百三

十兩四錢遇閏共加銀一兩一厘零

民壯二十七名每名工食六兩該銀一百六十二

兩遇閏共加銀一兩二錢七厘零

皂隸伴作十六名每名工食六兩該銀九十六兩

遇閏共加銀七錢一分五厘零

轎傘扇夫七名每名工食六兩該銀四十二兩遇

閏共加銀三錢一分三厘零

庫子四名每名工食六兩該銀一十四兩遇閏共

加銀一錢七分八厘九毫零

斗級四名每名工食六兩該銀一十四兩遇閏共

加銀一錢七分八厘九毫零

平利縣志
卷二
經費
三
養卒八名每名工食六兩該銀四十八兩遇閏共
加銀三錢五分七厘九毫

舖司七名每名工食六兩該銀四十二兩遇閏共
加銀三兩五錢

額內額外孤貧十四名每名日支工食銀一分零
每名歲歲布花銀七分三厘零

訓導一員俸薪銀四十兩

齋夫三名每名工食一十二兩該銀三十六兩

閏共加銀二錢六分八厘九毫

門斗二名每名工食七兩二錢該銀一十四兩四

錢遇閏共加銀一錢七厘零

典史一員俸薪銀三十一兩五錢二分養廉銀六十

兩

門子一名工食銀六兩遇閏加銀四分四厘零

皂隸四名每名工食六兩該銀二十四兩遇閏共

加銀一錢七分八厘九毫零

馬夫一名工食銀六兩遇閏加銀四分四厘零

原額項下

額設廩生二十名每名歲支月糧銀一兩七錢一厘

一毫零遇閏共加銀二兩八錢三分五厘零

膳夫二名每名工食六兩六錢六分六厘零該銀

十三兩三錢三分三厘零遇閏共加銀一兩一錢

一分一厘零

以上各項經費銀兩除地丁銀解支外所有不

敷銀兩每年俱赴藩庫請領其原生案內

項仍行起解

知縣黃寬謹按平邑糧額無多而每年員財經

費及兵防額費幾數十倍之

國家養育黎庶之恩至優渥矣乃編氓之家蓋藏未

盡充裕何也細加體察其故有三一則曰戒惰

農一則曰戒預糶一則曰戒多飲農人之於田

必朝斯夕斯盡力耕耘方可望豐收之慶此定

理也乃有等惰農夏秋二料於布種栽秧之後
即聽之天時不知多加人力以盡地利固結胃
中者乃廣種薄收之說孰知此等意見只成就
得一箇懶字每見同此一坵田地經外來人寫
種則情願多加租穀幾石寫種者兼且數年起
家觀此則收穫多少之分乎勤惰盡可曉然倘
吾本地民不知盡力耕耘多方勤苦恐外來者
寫種愈多則土著者種田愈少在土著徒如

民之肯加租穀而不仿客民之用力田功此誠
不揣其本之見夫至借貸以通有無人情自所
不免乃民間陋習每於穀纔插蒔先支錢以預
糶穀若干麥纔長發先支錢以預糶麥若干二
月賣新絲五月賣新穀剝肉醫瘡此古人憫農
詩也不意竟沿為吾民秘訣圖便一時之花銷
竟忘轉瞬之虧損并有劇分盡禮等名目儘可
歇手之事皆預支穀麥錢以應之迨至穀麥登

場則任人載負而去較之時價大判低昂山僻愚民其何堪此方其穀麥罄付他人未必不悔前之失策乃不逾時而借支殆又甚焉則窮根之不易拔矣至酒以合歡原屬人生日用之物但飲必有時亦必有節若終日常在醉鄉則即薄有餘資身入沉湎一流必不能為成家立業之人況在貧家一至貪盃必歸落魄無賴而後止奈邑民好飲者多聞一人所飲動至數壺幾

人聚飲動至十數壺數十壺夫窮民每人若此數壺酒錢即可以供一家一日食用乃相習成風恬不為怪日復一日耗費實多且家中子弟自其幼時見父兄此等行徑習慣所致轉若當然無論士農童而做效便又全失做人作家之道夏秋即餘糧食多作酒資欲望戶盈儲蓄難矣此三項者雖非顯有干犯確屬暗多虧損現在隨時開導小民亦多醒悟而因仍已久偷喻

殊難特識於此俾邑中知書識字者見之遙相
 解說遙相勸誠不惜婉詞苦口即是造福桑梓
 儕輩之人里黨之地意自相通言尤易入聽期
 吾民日見阜盈庶克慰宰悻悻之隱云

倉儲

常平倉 一在縣治 一在白土關

一重農積粟並敬陳積貯等事案內捐輸市斗折京
 斗穀一百九十一石七斗七升七合一勺四抄二
 撮八圭五粟七粒一顆四糠二粒

一敬陳積貯等事案內增貯京斗穀二千一百八石
 一斗八合二勺

一請改捐輸三合等事案內捐輸市斗折京斗穀二

十石五斗五升五合八勺六抄四撮五圭七粟一
粒七顆一糠四粒

又乾隆五年在於欽奉

諭事案內收捐監生二名除開耗外實貯京斗監穀
三百三十五石三斗三升五合三勺三抄四撮四
圭

以上常平倉共貯京斗稱粟穀二千六百五十五
石七斗七升六合五勺四抄一撮八圭二粟八粒

八顆五糠七粒

社倉一在縣治一在白土關

又分社二所一在獅子壩一在秋河

一知會採買糧儲案內發買京斗本穀二千石

一積貯原以備荒等事案內捐輸京斗本穀九十六
石一斗五升五合八勺二抄

自雍正七年設社起至乾隆十九年底止歷年收息
除倉正副口食等外實貯京斗息穀十四百五

十八石四斗三合一勺二抄

以上四社倉共貯本息粟斗稻粟穀四千五百五十四石五斗五升八合一勺二抄

知縣黃寬謹按倉儲常社二糧皆

國家所以惠濟民食常平之穀平糶不如分借之

公社倉之穀總社不如分社之便平邑常糧春

借秋還民安定例非甚歉歲向無升合拖欠至

社糧原設縣城白土關二處自乾隆十五年知

縣孔震遵奉

撫憲陳

分社便民又於獅子壩秋河兩鄉添

建社倉分貯社穀自此雖在僻壤小民不煩跋

涉之苦皆得仰給於倉儲矣

明

水戶口

總戶八里明一統志

本朝

總戶五里

舊里 同仁里 廣化里 威休里 新安里

原額四百九十二戶 一千九百一十

三口

水戶口

吳

乾隆十九年...
奇藉之家通共二千三百一十八戶
男婦大小
八千五百九口

設立鄉保一十九地方

縣城

縣河

在城東北離城十五里

縣下河

在城西離城十五里

水田河

在城東南離城三十里

大貴坪

在城西南離城四十里

魏壩

在城東北離城六十里

獅子壩

在城南離城九十里

豐口壩

在城南離城一百二十里

嵐河

在城南離城一百八十里

下壩

在城東離城七十里

白土營

在城東離城九十里

中下壩

在城東離城九十里

回民鄉保附內

中壩

在城東離城一百二十里

上壩

在城東離城一百四十里

冲河

在城東南離城一百二十里

石牛河

在城東南離城一百五十里

連仙河

在城東離城一百六十里

太平河

在城東南離城一百七十里

秋河

在城東南離城一百八十里

以上各地方俱設有鄉保內地地方戶口多者至

百餘戶少者僅三十餘戶

知縣黃_其謹按邑中戶口向最寥寥今際

國家重熙累洽之盛生聚日繁戶口視十年之前
已過數倍惟是境內人戶頗多新附版圖有民
社之寄者撫綏安輯且留心經畫云

水下名曰雷公田每偶缺雨鄉民束手坐視乾隆十八年現做南方之式捐造厚水輪車八輛分發四鄉鄉民頗以為便已有陸續做造者蓋雷公田之缺水即在旱歲亦止一時但此一時最關緊要若有水接濟自加倍長發無水接濟便盡棄前功誠各預備水車則能盡數日之勤勞即照豐年之收費用力有限獲利甚多人事可補天行之缺端在於此所冀 或再多以造不

因年來雨水調勻幸徂目前漸忘遠慮時恐不備無患乃可長享盈寧之樂矣

因在東陽水陸口車馬路與東陽縣界
南界與武義縣界西界與永康縣界

